



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1859

219. Herzog Heinrich von Glogau beklagt sich gegen den Kurfürsten
Friedrich über die Feindseligkeiten, welche ihm einerseits zugeschrieben,
andererseits aber zugefügt sind, am 5. Oktober 1460.

Nutzungsbedingungen

[urn:nbn:de:hbz:466:1-56597](https://nbn-resolving.org/urn:nbn:de:hbz:466:1-56597)

219. Herzog Heinrich von Slogau beklagt sich gegen den Kurfürsten Friedrich über die Feindseligkeiten, welche ihm einerseits zugeschrieben, andererseits aber zugefügt sind, am 5. October 1460.

Vnsere fruntliche dinst vnd wes wir liebe vnnnd gutes vermogen zuuor, Irluchter Hochgebornner furste, lieber Here vnd Bruder. Nach deme vnnnd alze ewer liebe vns schreibit, wie wir vns keyn ewer liebe vnd eweren Bruder marggrafe Albrecht obirgriffen hetten etc., haben wir wol verstanden vnnnd ist vns vaste fremde, das ewer liebe vns zuschreibet obirgreifunge, dy wir kein euch vnnnd eweren Bruder getan solden haben, wenn ewer liebe weyß wol, das wir vns allewege gerecht vnnnd offrichtig kein ewer liebe vnd den eweren gehalten habin, vnd meynen das ouch noch zuthun, wenn wir zweyfel nicht, ewer liebe ist wol vorkomen, das wir allen den vnfern ernstlich verboten haben weder vnd keigen ewrer liebe vnnnd eweren Bruder zu dem von Beyern nicht zureyten etc., dy denn das darobir getan haben, wellen wir vns ouch so kein en halden nach geborlichkeyt vnd ye kein ewir liebe nicht vnrecht haben. Obir alles das, So seyn wir vnd dy vnfern von den eweren wol in sechs dorffern beschediget, darynne genomen, was sy funden haben, vnnnd dozu frawen Hende abgehawen, des wir vns doch zu ewer liebe vnd den eweren nicht vorsehen haben. Welde ewer liebe hie zu thun, off das den vnfern das ere weder wurde, vnd ab recht schelins wer zwilchen den eweren vnd den vnfern, welden wir mit ewer liebe gerne zu tage komen vnnnd fulche broche lossen handeln, off das difz Irfal nicht ferrer reyffe. Wellen wir vmb ewer liebe gar fruntlichen verdynen. Ewer Antwort. Gebin zur freynftad, Am Sontage nach francisci confessoris etc. LX.

Heinrich, von gots gnaden Hertzug
In Slesien zu Großinglogaw, Croffen etc.

Dem Irluchten Hochgebornen fursten vnd
Heren, Hernn frederiche, marggraue
zcu Brandenburg etc. vnnnd Burggraue
czu Nuremberg, vnfern lieben Heren vnnnd
Bruder.

Nach dem Originale des Königl. Haus-Archives.